





与九元詩

与十元詩

虞邑遺文錄

五



虞色遺文錄

元

得朱桓編脩海道之音

寄朱仲威編脩王集梧

送趙季文之湖州知事陸友雅玉山

繆叔正郎中以漕事馳傳歷浙東諸郡渡大羣小羣二灘作

渡灘歌見寄次韻復之顧璞稿玉

有感呈繆侃顧璞玉山

海虞

陳

揆

集



次韻答陸先生黃華幼武集

贈雙鳳普福觀道士唐梅月

送葛元素住持普福宮王逢梧集

簡招真周菊潭提點僧釋宏秀潭集

簡寶巖渙冰壑長老同上

春初奉寄海虞山北聲九皋上人李璣雅集

送席心齋住白鶴觀王汝章冊珊木難

寄席心齋同上

簡心齋席鍊師同上

題徐公憲載雪舟顧璞瑛稿

載雪舟張著永

徐公憲載酒來慰寫寄於外史顧璞瑛稿

至正乙未十月廿九日玉山中玉蕊花開飲酒花下時琴川

妓秀雲在馬同上

可詩齋口占詩并序名勝瑛

和繆叔正同上

綠波亭同繆侃夜坐口占同上

和李克敏即事張著永



貞居道士、往常熟山中訪王君章高士子因寫梧竹秀石奉

仲素孝廉倪璣詩

畫竹贈徐李明同上

題琴川趙實甫恭甫瑞蓮圖顧璣稿

題王鳴吉吳江送別圖

題徐公憲挾彈小像顧璣稿

題徐公懋稜樹下放鶴小像同上

題謝仲和竹石鄭節選

東林蘭若題謝仲和墨竹陳基稿

題繆生佚寫林塘圖和倪元鎮韻楊維禎集

自題繆叔民惠所畫讀書巢顧璣稿

柏子庭畫松障歌釋華錄

趙魏公幼輿邱壑圖楊維禎稿

林屋先塋圖蒙諸公題詠成集至正壬辰兵火失去越六年

得之於海虞譚希聲不勝悲感遂賦七言十六韻黃原隆

謝伯誠所藏王叔明狼山圖袁華集

題陸子善所藏畫張嘉永

珊瑚



和宋邱岳登雲海亭詩陳錫曾志

和趙季文感粟吟朱德潤存

題時太初遺文卷陳植寧稿

挽盛季文張遜詠 崑

悼頂山寺清上人倪瓚清閣集

慧日無夢禪師挽詞釋妙聲





虞邑遺文錄

元

得朱桓編修海道之音

張昱

命酒徵歌記往年玉堂遂有夢相牽魚織尺素雖云密事載空言

始可憐季世人材思管樂盛時戎馬說幽燕張騫慣識天河路倦

仰乾坤一慨然

寄朱仲威編修名桓常熟人學官後朝服極言上儲宮航海

情報疾卒以

王逢

使臣傳爾信南士盡稱奇螳悃通宸極魚頌撼震維暑風行瘴遠



應刪

寒斗轉杓運正好輸忠赤騎驢莫咏詩

送趙季文之湖州知事

陸友

共說佳公子翩翩清且賢傳家存舊笏載世有遺編  
漚鳥衝波去

蒼花帶雨牽糾曹官事少揮塵看山川

繆叔正郎中以漕事馳傳歷浙東諸郡渡大羣小羣二灘作

渡灘歌見寄次韻復之

顧瑛

朝上灘暮下灘客行一日一日難饑蛟掉尾鰐捨齒奔流百折何

時已上灘萬篙進纔咫尺下灘回頭倏千里南入粵東入甌灘流灘

流去莫收使官乘檄過中流船頭把舵船尾謳岸上村村似寒食

何

店舍無煙人菜色賊圍解去米如珠沉復雨多傷二麥但願班師

奏凱歌四海同日休干戈野無烽塵水無風波大羣小羣將如之

有感呈繆侃

百里扁舟能作客入門款語似無依阿翁九月新成服老父三冬

未見歸江上黑風兼雨至樹頭紅葉帶霜飛傷心我亦如君切有

子天涯未授衣

次韻答陸先生

華幼武

苦憶陸夫子從游琴水涯依依欣有托戀戀惜無家交友論三益



看書過五車何時肯相顧共語白鷗沙

贈雙鳳普福觀道士唐梅月

俞玉吾

精神灑落如寒月標格孤高似老梅半夜玉壇幡影下天風吹送  
暗香來

送葛元素住持普福宮

王逢

海虞山色秀屏開紫氣丹光湧玉臺父老舊瞻雙鳳下神仙今跨  
五羊來綠林烽火沉虛壁蔓草春風轉上台聞有子規栖未穩長  
松宜傍井邊栽

簡招真周菊潭提點

釋古潭

菊潭冷浸一澆秋為世照空名利愁采藥木鏡長在手煎茶紗帽  
淺籠頭丹光出洞紅於火山色入簾青滿樓鶴背夜聞環珮響御  
風又作海天遊

簡寶巖漁冰壑長老

釋古潭

清風飄飄不可攀冰纒出壑寶巖山梅邊立到月一丈松下卧分  
雲半間對客酒盈銀鑿落照人詩好錦爛斑出門有景秋開畫白  
鳥一雙紅蓼灣

春初奉寄海虞山北聲九皋上人

李瓚

杖錫虞山北春風憶舊遊翠厓雲每集丹壑水爭流染翰超懷素



哦詩繼惠休何當上湖夜相與汎扁舟

送席心齋住白鶴觀

王汝章

昔在鴻山遇席謙長松落雪下飛簷道歸玉局心逾遠詩到珠宮  
律更嚴鸞版畫鳴雲擁座龍文夜誦月窺簾應思慈母營甘旨春  
雨園林笋露尖

寄席心齋

王汝章

老子齋心與世遠山中春雨藥苗肥騎將鶴去身俱瘦鍊得丹成  
骨自飛青簡風雷行祕錄紫綃雲霧出仙衣明年海上金桃熟并  
就安期作燕歸

簡心齋席鍊師

王汝章

山色搖春發翠妍憑軒把酒答流年自知原憲貧非病人謂陶潛  
醉欲眠霧洗百花熏白日天開一鳥入青煙席謙已作東遊想異  
氣看從海上先

西林谷口群仙宅青髮蕭蕭古逸民鍊過神丹專奉母著成真誥  
必傳人後青山不下烏皮几留客先除白葛巾門外松花如可服豈  
無方術為輕身

題徐公憲戴雪舟

顧瑛

山陰道上剡溪頭夜半失却王子猷梅花笑人不相見至今修竹



風颺颺海虞徐卿隱者流以蒲作帆桂作舟浩歌招隱疊疊不絕

口迺以載雪大書標舵樓船中何所有圖書在左書在右船頭何

所有三尺鯉魚千斛酒客至漁童擊棹歌船尾樵青舞垂手或時

浮琴川或時泛笠澤不是浮家并泛宅一朝大雪夜填門忽憶阿

婆頭雪白中夜揚舲曉到家膝下稱觴壽群客一朝雪花大一圍

東郭有人御弊衣自披鶴氅上船去日暮與之同載歸徐卿徐卿

孝義有如此不數迴舟深夜裏匡廬山人作文書卷端索我作歌

書卷尾我家玉山深且遙山中積雪暖不消君家丈人離山東結

屋我亦倚山西結巢去年臘雪厚三尺今年春雪一尺高雪中咫

尺不得會母乃石頭路滑難相避我今還君此卷增太息我欲借

此舟載雪同遊邀

載雪舟

張著

雪後山陰遠放舟酒醒深夜絕風流一篷寒影隨江水萬壑清光

照柁樓蓑笠滄江誰獨釣神僊銀闕自同浮祇今剡曲無安道何

得高情過子猷

徐公憲載酒來慰寫寄于外史

顧瑛

四月西郊初雨晴飛花落絮兩冥冥客中似我頭先白交際如君

眼最青江水又添南浦恨草堂自愧北山靈徐卿載酒來相覓見



說清齋寫道經

至正乙未十月廿九日玉山中玉迷花開飲酒花下時琴川

妓秀雲在馬

顧瑛

十月兵戈未肯休為將淥酒滌煩憂美人笑解金條脫獨樹花開

玉繡毬冷豔尚含春雨露閒情猶帶舊風流喚回蝴蝶團香夢睡

隔梧桐落葉秋化力豈教司后土樂聲底用打涼州廚中儘有遠

巡酒勝賞何妨日日留

可詩齋口占詩并序

顧瑛

海虞山人繆正叔扁舟相過以慰別後之思予謂兵後朋

舊星散得一頃相見曠如隔世遂邀汝陽袁子英天平范

君本彭城錢好學榮城趙善長扶風馬孟昭聚首可詩齋

內諸公亦樂就飲或携肴或挈果共成真率之會由是皆

盡歡飲酒酣各賦詩以紀走筆而就興有未盡者復能酬

倡以樂永夜予以詩先成叔正俾予序數語於篇首緬思

烽火隔江近在百里今夕之會誠不易得况後會無期乎

吳宮花草婁江風月今皆走麋鹿於瓦礫場矣獨吾草堂

宛在溪上予雖祝髮尚能與諸公觴咏其下共忘此身於

干戈之世豈非夢游於已公之茅屋乎善長秉筆作圖於



卷子索孟昭楷書以識時丙申歲己亥月乙亥日齊之主  
人顧瑛序而復賦詩曰

木葉紛紛亂打窗  
淒風淒雨暗空江  
世間甲子今為晉  
尸裏康申不到龐  
此膝豈因兒輩屈  
壯心寧受酒杯降  
與君相見俱頭白  
莫惜清談對夜缸

和繆叔正

顧瑛

白雲開處見山稜  
我欲躡攀力未勝  
歲晚不為千祿士  
前身應是  
小乘僧  
竹林藪酒邀山簡  
草閣裁詩愧薛能  
結習未除閒未盡  
焚香且對佛前燈

綠波亭同繆侶夜坐口占

顧瑛

虛亭月色不勝寒  
況坐綠波池上看  
啼斷候蟲秋寂寂  
好懷正在

倚欄干

和李克敏印事

張著

亂後虞山道  
羈愁奈若何  
風寒秋袂薄  
江濶野雲多  
淪落哀王粲  
安危仗伏波  
鳳皇天外遠  
聊發楚狂歌

貞居道士往常熟山中訪王君章高士予因寫梧竹秀石奉

仲素孝廉

倪瓚

青桐陰下一株石  
迴棹來看雪未消  
展圖彷彿雲林影  
肯向燈前



玩楚腰

畫竹贈徐李明

倪贊

梓樹陰當戶時聞好鳥鳴  
獨攜一壺酒展席坐前楹  
招邀白鶴侶吹弄紫鸞笙  
杳杳日晚景紛紛飛絮輕  
風翻竹影亂明月已東生

題琴川趙甯甫菴甫瑞蓮圖

顧瑛

紫荆樹下盆池好一朵芙蓉並蒂芳  
露井月涼棲翡翠天機雲暖織鴛鴦  
塢荒迭奏高堂樂鶯燕雙開半面妝  
喚取桃根與桃葉蹋

歌聯臂醉稱觴

題王鳴吉吳江送別圖

虞堪

長向空江歎別離含毫猶賦畫中詩  
一聲雁叫丹楓落思逐東流

轉舵時

題徐公憲挾彈小像

顧瑛

絳鼓裁春服行騎白面馱手中金  
彈子切勿打慈雅

題徐公懋榎樹下放鶴小像

顧瑛

丰姿濯濯三春柳文采飄飄五色雲  
未許仙家借騏驎榎樹下

侯靈君

題謝仲和竹石

鄭韶

江南謝老獨風流愛寫晴雲竹樹幽  
絕似玉堂殘月夜數枝晴雪



映高秋

東林蘭若題謝仲和墨竹

陳基

謝家公子晉風流  
寫竹渾如黃澹游  
道人相對東林下  
滿室清飈生素秋

踈篁翠着滄洲  
雨老樹青含太古春  
想見解衣盤薄處  
為渠爛熳寫天真

出草元閣後集

題終生佚寫林塘圖和倪元鎮韻

楊維禎

常熟繆貞字仲素為江浙掾史次子佚字叔民年幾冠讀  
書能畫

香集作涼 龔念載此詩首句  
作春江帶村郭

竹梧集作梧竹

清流帶古郭中有射鴨堂  
苔衣畫壁潤石臺花雨香  
之子弄孤翰相見竹梧蒼  
思幽天機發慮清塵夢忘  
會須琴堂夜共宿破山房

自題繆叔民惠所畫讀書巢

顧瑛

自向江頭採白茅山中結得讀書巢  
柳栽已發窺春眼竹本初分

帶雨梢曲水流花斜入壑  
小橋憑岸直通郊未知何日從吾懶且

對青山誦解嘲

栢子庭畫松障歌

釋妙聲

高堂誰畫青松障越栢下筆開珠狀  
小枝交錯鐵不如大枝森竦劍相向  
筆驅元氣天為泣龍孽海水神俱王  
滄江風雨六月來白



日雷霆九天上想當飛墨縱揮灑應遣酣歌助悲壯于時畫者亦  
有人柏也用意寔豪放猶憶海虞山裏時往往見我索題詩豪隸  
到手不暇擇爛漫圖寫寧復辭只今風流已冥冥使我見之增歎  
愕况當木落秋氣悲撫事哀吟忽如昨烏乎相兮那復見蕭瑟西  
風動寥廓蕭瑟淒風動寥廓應有松子僧前落

趙魏公幼與邱壑圖

楊維禎

伯常避難東徙家貧如山委棄不復顧戀獨珍惜此畫不  
忍使失去客中時一展玩輒欣然自慰雅好異於流俗深  
可敬也併書二絕于后

萬金家產不復惜特為會稽山水來行李只留松雪畫時時展玩  
旅懷開

知君雅志在邱壑况復風流如謝鯤此景人間何處有便堪避世  
似桃源

林屋先塋圖蒙諸公題詠成集至正壬辰兵火失去越六年  
得之於海虞譚希聲不勝悲感遂賦七言十六韻

黃原隆

吾親昔葬黃家塢路入黃泥近上方冢墓高封如馬鬣峯巒回抱  
若牛岡羨門木拱松雲合龍穴泉來石體香視聽已忘徒眷慕美



西山舊抄本作西方  
動地舊抄本作殷地

牆有見倍悲傷先塋繪寫歸圖畫諸子詞章為發揚絕句特書句  
曲史長歌倚韻鐵屋楊遂昌趙郡詩尤古靈隱雲巖語更長記著  
孝思推鄭老筆傳詩意屬倪郎南州高士相傳誦下里諸生亦激  
昂歲值辛壬兵革起會逢百六紀綱亡西山豺虎相吞啖東海鯨  
鯢又陸梁動地殺聲秋慘慘薰天劫火夜煌煌園池第宅成焦土  
父子妻孥各異鄉神物豈隨柔海變法書空作玉函藏雖稱劍化  
延平內終賴珠還合浦傍譚子高情能遠復名公佳製不論喪六  
年散逸浮萍迹一旦來歸玩易堂歷覽故山愁黯黯載瞻遺像淚  
浪浪丁寧子姪宜加護銘刻心胸孰敢忘待我明年省邱隴擬鐫

貞石立山陽

謝伯誠所藏王叔明狼山圖

袁華

憶昨鼓棹遊大江海門一點狼山碧安得振衣躡層巔東望扶桑  
初日赤忽見此圓心目明石壁鐵削芙蓉青仙翁白狼不復見金

銀佛宇開岩高上方臺觀雲中起下瞰鯨濤千頃水平原宅相放  
舟過吮墨含毫椀樓裏江南有客頰而長夢覺池塘春草芳生平  
愛畫久成癖題詩緘封遙寄將千古風流猶未弭翩翩王謝佳公  
子日暮相思江水深獨立洲汀折蘭芷

題陸子善所藏畫

張著



江閣空明宿雨殘  
青山如洗隔簾看  
神仙不記天台路  
萬壑千峯暮色寒

和宋邱岳登雲海亭詩

陳繹曾

白馬浮渡江吳洲  
含紫霏循王捲珠旗  
揮鞭解重圍  
邱隴化梵城  
人民是耶非  
尚書柱天力  
玉帳籌兵機  
登臨發幽興  
逝將買漁磯  
聞孫寶遺迹  
分明五雲飛

和趙季文感粟吟

朱德潤

高堂風露生涼秋  
興來乘月登西樓  
杜寬對客被短褐  
獨吹感粟  
驚群優移商  
換羽窮雕鏗  
篋匏笙聲不伴  
梨園官人清淚收  
昔

此詩當刪

圓此曲供王侯  
金花玉管蒼鳳頭  
當筵呶啞和梁州  
緩急應節如

解牛清風席上寒  
颼颼關山葉落清渭流  
朝供暮奉何時休  
歸來

白屋書謾抽走謁  
高責多請求撥刺  
驚魚度寒秋  
山空鷓鴣怨  
中夜

愁時作低顏  
同羌謳趙公一聞能解憂  
先生作歌君少留  
昔曾天

上聆鏘球翕如鸞  
鳳鳴丹邱聽之不厭  
兩耳浮便當攜君跨雙虬

拂衣和曲參天游

題時太初遺文卷

陳植

海虞孕英秀  
天不假以年  
文翰俱散落  
唯餘十四篇  
遺珠特精瑩  
脩蘭自清妍  
有子純肖似  
庶以永其傳



挽盛季文

張遜

季文盛公子與余世姻而契義最相得洪武甲寅遷家婁東而余亦宦遊燕冀遂成契濶俯仰星霜幾二十載逮壬申之歲余客婁上方欲傾倒舊懷豈意季文以田役之累羈於逆旅竟抱疾而終適值炎月其親以清冰數斛暨其遺軀歸葵鄉里聞之不勝痛悼因賦此詩哭之

廿年不見盛公子竟作修文地下官玉樹臨風今竟折冰舟歸觀不勝寒燈前散帙無兒讀案上新詩有日看欲弔孤墳煙浪隔一襟清淚幾時乾

季文世為常熟之南沙人元盛時為東南鉅族值兵亂又無子因贅崑山周庸叔常從家歸胡岡

隱居馬嘗與會稽楊維禎淮海秦約永嘉鄭東吳門張遜鴈門文皆河南陸仁武林趙銓清河張恕仲華為友多唱和之什後以田賦至金山泊舟強起賦詩投筆而逝

悼頂山寺清上人

倪瓚

杯渡前溪見水源偶來佩芷服蘭蓀香臺猶帶山窗影經卷長依

松樹根雲起晴峯還有觸雪消春野不留痕倘然我已忘言說翠

竹黃花自滿園

慧日無夢禪師挽詞

釋妙聲

先世勲名舊逃禪德業稱弟兄雙白壁風雨一青燈樓閣華雲結  
虛空塔影層不慚甘露滅曾許傳高僧







虞邑遺文錄

元

白燕

八月十三日夜城西看月

十四夜陪李明府遊海上

題江村周文英州府志

題叙池同上

暇日同仲穆諸公遊道場山和東坡韻趙洪雅集

海虞

陳

揆

集



舟中夜作元趙詩選

病後過道場山漫成二首趙詩選

可詩齊分韻得來字山名勝集

可詩齊口占和玉山主人韻上同

可詩齊再和玉山主人韻上同

兵後過訪顧仲瑛感賦上同

和西湖竹枝詞湖竹枝詞

春草池綠波亭夜坐口占山名勝集

與顧仲瑛聯句上同

律詩一首寄玉山徵君以寓瞻慕之私名勝外集

和春愁曲

禽言

把鹽詞

素室為聞次安賦

來龜軒歌或文龜山雜詠

玉山草堂為沈南叔賦上同

青松白石軒上同

緯山亭既月和秦海樵韻或崑山雜詠



崑山慧聚寺訖公西齋上同

過漢浦塘有感

舟次漢浦

宿崑山城南田家

夜宿顧墓田家

春日出南野

送何彥文歸堍水

送虞勝伯求先世遺書王謙珊鐵

題聽雨樓詩卷上同

楚江秋曉圖上同

來鶴詩贈周元初

周元初禱雨詩

周元初來鶴詩

贈周元初

題章復畫碧桃

蘭亭舊刻釋嗣稱珊



虞邑遺文錄

元

白燕

時太初

春社年年帶雪歸海棠庭院月爭輝珠簾十二中間捲玉剪一雙

高下飛天下公侯誇恭頤國中儔侶尚烏衣江湖多少閑鷗鷺宜  
與同盟伴釣磯

八月十三日夜城西看月

時太初

秋天月色天下白江客夜登江上樓俯視八荒如積雪恍然一葦  
坐中流荒城酒薄不堪飲水鳥夜寒相對愁獨立高寒眼如洗此



時直欲見蘇州

十四夜陪李明府游海上

時太初

秋月照人如白晝樓船浮海坐清空  
銀山雪屋三更浪鼉鼓龍簫  
萬里風豪氣橫吞雲夢澤醉魂飛墮水精宮  
難鳴鐘動失清景驚  
見東方海日紅

題江村

周文英

江鄉漁父村村有月夜烏聲在在啼  
只為唐人詩句好至今佳勝  
落城西

題劍池

周文英

澗泉一脉古今清試劍秦皇曾未曾  
不解為霖作雲雨煎茶煮筍

餉山僧

暇日同仲穆諸公遊道場山和東坡韻

趙 渙

道場山深美林麓坡老文章照巖谷  
簿書休暇得良朋載酒幽尋

趙氏信都人見吳江志詩俱應刪

曹元本作高

歡意足朝寒嵐重陰漫漫石頭路滑青  
屈盤仰瞻孤塔倚霄漢俯  
聽絕磴鳴飛湍老僧愛客茗若出暫與  
閒雲分半席自言住山八  
十年夾道長松手親植宗人好事攜歌  
鬢為余嘯傲泉石間壺觴  
到處即傾倒何必西湖與東山  
郡圃花開少晴旦屈指春光已過半  
百年行樂能幾何爛醉芳時莫長歎



舟中夜作

身同南鴈去回首意茫然酒醒家千里詩成月滿船河渾非為雨  
岸轉欲移天夜靜明河漢涼風自斗邊

趙 渙

病後過道場山漫成二首

趙 渙

愛此道場泉石好公餘每到即欣然兩山空翠疑無地一塔高寒  
別有天未暇耕雲深隱適何妨煮雨小留連賞音最重東坡老爛

漫雜章萬古傳

連日南山風共雨深溪色綠依依官閒自喜詩添藁病起誰憐  
帶減圓柏府無才名漫在草堂有約夢頻歸足艱未快登臨興空

美雲間鴻鵠飛

可詩齋嘉言分韻得來字

繆 侃

桃花渡口錦帆開遠喜將軍海上來絲袖稱觴行臘蟻畫堂搗鼓  
動春雷親朋每共論高義忠孝應知屬大才總是西風吹樹急放

歌清夜醉徘徊

可詩齋口占和玉山主人韻

繆 侃

玉壺美酒醉寒窗酒渴還思飲大江好事久傳吳下顧作官甚愧  
鹿門龐眼世態元如此愁裏詩魔卒未降相對正憐猶夢寐笑  
談何惜倒銀缸



可詩齊再和玉山主人韻

繆侃

下榻草堂才兩日賦詩行酒思依依清時一見猶難得今日重來  
豈易歸綠橘正堪和露摘白雲未許出林飛目憐篋笥俱零落十  
月蕭條尚袂衣

兵後過訪顧仲瑛感賦

繆侃

少年壯志已模稜憶舊懷親思不勝我父竟為逃難客故人近今作  
在家僧身居亂世慙何補哭到窮途去未能相見莫論生死事且  
須泥飲盡寒燈

和西湖竹枝詞

繆侃

初三月子似彎弓照見花開月月紅月裏蟾蜍花上蝶隣渠不到  
斷橋東

春草池綠波亭夜坐口占

繆侃

夜涼圍坐綠波亭月色荷風戶不高自喜清狂如賀監後文休詭

北山靈

與顧仲瑛聯句

繆侃

短檠三尺照清酣顧圓餅裁肪韭味甘繆舊雨今為紅葉雨顧聞  
雲不障白雲庵繆范君遠饋吳糖肉顧錢老能分林屋柑繆今夕  
共謀真率醉顧莫將時事說江南繆



律詩一首寄玉山微君以寓瞻慕之私

徐 緬

翠竹碧梧池館好 玉山佳處意無窮  
輞川賓客文章盛 京雒衣冠書問通  
窗暖語聲鸚鵡巧 杯深香泛荔枝紅  
山川風物開清思 詩句流傳字字工

和春愁曲

盛 或

鵝黃柳枝撲輕雨 裊斷新愁千萬縷  
菱花倦拂瑣窗間 吹得瑤笙雜鶯語  
下牀不受春風扶 傷春擊碎青珊瑚  
香消玉散繡針澀 閒開五色雙甌能離恨  
難禁情未愜 那肯將心託紅葉  
翠帷深護曲闌花 羞殺東家白蝴蝶

會言

盛 或

泥滑滑 江南路 兩雨風 風怕春暮 郎行三月未還家  
妾心還似郎心苦 泥滑滑 妾難行 閒階獨步青苔生  
階前雨歇櫻桃發 白日須明照羅襪 只今世路滑如泥  
郎行善保千金軀

紀鹽詞

盛 或

洪武庚戌春 吳中鹽涌貴 農家多於水際 取水煎之余 因感民生之勤苦者 雖有凶歉亦不至塵魚其甌釜也 彼情其四肢而坐待饑餒者 誠有間矣 故作此詩以美農之有餘力 又以歎有司之不便於民 觀風化者 庶幾或有採焉



朝祀灘上泥暮煮釜中雪  
妾身煮鹽不辭苦恐郎祀泥筋力竭  
君不見東家阿嬌紅粉媚  
不識耙鋤巧梳髻昨日典金釵  
愁殺官鹽價高貴

素室為閻次安賦

盛或

維次安父索居遁世好學孜孜素行其志  
思昔聖賢窮達知命陋巷一瓢後車千乘  
伊進與退道無不存匪慕乎外  
廼慎厥身味茲

聖賢勗我後人環堵之室左圖右書濯纓  
流水觀雲太虛彼君子

兮其樂弗渝

來龜軒歌

盛或

以下三首見袁華集王理之崑山樵詠亦作袁詩應刪

昔日避地商溪頭畏塗風雪同  
放舟登樓見月思鄉淚坐石觀雲

憶地弟愁落花芳草青春暮歸時  
喜踏來時路入門梧竹兩青青園

池樹石還如故中庭有物狀若能  
肩扇踞石曉生苔相驚左顧一

笑聚乃是河伯使者清江來重門  
扃鑰嚴且密曳尾泥塗何處入

固知異物神所登卻勝魚在網中  
得吾聞靈龜壽綿綿搗牀一息

二十年從游鳳麟郊藪外會合龍  
虎風雲前舉目烽烟遍區宇卷

陌銅駝委榛莽玉山佳處屋鱗  
鱗鶯花春滿辛夷塢道人當軒寫

來龜邀我為作來龜詩  
寒余才薄不能賦願爾子孫金印懸纍纍

玉山草堂為沈南叔賦

盛或



東老草堂在何許崑玉峯前婁水陽怪石當門猛獸伏長松遶屋  
神虬翔芸牕展卷聲琅琅若出金石諧宮商嵩高山中隱者所浣  
花谿上詩人庄小亭野芳發幽香漚波淼淼涵天光南鄰老翁覓  
酒伴短筇緩策行徜徉草堂之樂樂無央豺虎遁蹟罔兩藏何人  
寫圖落塵世乃是四明狂客老更狂生帝潑墨兀老蒼

青松白石軒

或

高人種玉玉山中上有支離之怪松絕壑雲根蹲虎豹陰崖雪幹  
騰蛟龍青飢飯受神僊訣金粉花浮琥珀釀為折長枝當麈尾何  
妨踞石語從容

綽山亭既月和秦海樵韻

或

綽山亭前好明月老子高情孰與同烏鵲驚飛風葉下魚龍躍出  
海天空川明酒色如霜白烟菴荷荷濯粉紅翻似坡仙遊赤壁更  
無艇子着涪翁

崑山慧聚寺新公西齋

或

新公讀書山水間西林書閣何曾闕山氣入簾晴冉冉水聲離耳  
夜珊珊仍覓龍洲舊遊處恰似虎溪清嘯還借我烟霞最高處細  
食石髓聽潺湲

過漢浦塘有感

或



京甌生綠浦鳴櫓對青山感舊人何在傷秋客未還身名難自保  
世事故相關誰識桃源路携家老此間  
往歲攜妻子小龍江上村主人親補屋鄰父共開尊一別迷雲樹  
重過掩華門欲尋題壁字嗚咽不能言

舟次漢浦

或

漢浦揚帆秋水高青山小朵出林梢浪開日閃江豚背草亂風翻

水鶴巢破產曾無匡國計辭家徒有故人袍長年三老歌相答一

夜霜華入鬢毛

宿崑山城南田家

或

片玉山前鳥鵲飛遶枝三匝不成接無端驚破歸鄉夢岸岸秋風  
絡繹啼

夜宿顧墓田家

或

夜投顧墓村霜花吹白門燈寒釜烟滅船聚溪聲喧僕夫悄不寐  
老嫗泣且言租稅急星火誅求盡雞豚傾囊歎饑歲接境愁荒原  
十室九逃散如何賣兒孫

春日出南野

或

霜晴白沙堤水色明春衣肩輿穩如馬花鴨隨人飛遠碧散霞彩  
芳翠開林霏土融麥根連薺菜連田肥走覓南村翁雞黍宜荆扉



對酌古柳下談笑偶忘歸

送何彥文歸堽水

或

東海何郎雪滿頭新聲一曲擅風流酒邊蘇小西湖路夢裏揚州

明月樓片片桃花吹盡鷓鴣行行柳色亂春鷗可憐冠蓋皆塵土莫

倚清尊說舊遊名房文吳善下謳

送虞勝伯求先世遺書

王謙

扁舟衝雪訪遺書雍國文章天下無風動翠簾寒剪燭月明滄海

夜還珠百年製作詞華盛一戰勲名孝行俱送子令人欽世澤蒼

蒼喬木錦江隅

題聽雨樓詩卷

王謙

觀張外史所題山甫盧隱君聽雨樓詩詞翰蕭灑令人有

超然之想噫物故也士恒其慎藏之四月二十日王謙寫

於客居

山風滿樓來雨脚耳底蕭蕭生遠情還丹化鶴去句曲破屋無人

住洛城酒停深夜蒼燈在簾近餘寒濕葉鳴板上漆書空爪跡繞

簷依舊落春聲

楚江秋曉圖

王謙

日光蕩微瀾草色澹平楚愁雲結蒼梧騎龍下神女水宿烟渚寒



山空木落雨客懷歸鳥外迢迢見孤嶼

來鶴詩贈周元初

徐良言

九天執法大元卿稽首焚香禮玉京借得魏君騏驎到恰如蕭史  
鳳鸞鳴翩翩繞樹香烟近歷歷橫江夜氣清欲向羣中留一隻相  
將過海到蓬瀛

周元初禱雨詩

朱友諒

道人鞭龍出潭底黑雲一片山頭起仰看紅日不見光黑龍頭搖  
白龍尾有時登壇步七星一呼一吸成雷霆白波翻空海水立銀  
河落地天瓢傾去年京師禱雨雨輒至大田小田總霽霈定知夜

半拜封事自有精誠感天地王公貴人知其賢屈師闡教來琴川

今年旱魃又為虐禾稼半死民熬煎縣官換詞庭人跽道人受命

應且喜笑書鐵牌役海鬼疾驅一百五十里甘泉龍居萬丈深神

符召集如飛矢今朝雨脚來自南半是吳江四橋水項山有龍名

太白口喫湖水成甘澤道人驅龍唱龍出五雷使者聞不得龍兮

龍兮一喫日失色金蛇電掣光千尺再喫山氣黑飄風盤旋步沙

礫上天有寶不愛惜噴下驪珠千萬石兩龍行雨勢未休須臾潦

水平田疇疲農入城報沾足道人一笑山雲收

周元初來鶴詩二首

席應珍



瑤壇法祿土蕭臺聳岌堯縹緲白玉京空歌協雲韶靈駕御八景  
多士嚴趨朝琅風颺清微天花雨曾霄皎皎群胎仙嘯歌雜靈瑛  
前參紫霞蓋後遶青霓覽茲孝子誠赴此仙人招阿母鍊魂仙  
高超謝塵囂控駕不待轡飛凌次舉置身王母宮坐看劫石消  
瓊珮朝元禮玉壇散花天女集雲端仙人騏驎紛前導上帝旌幢  
儀下觀黍米珠懸光煜煜桂花香冷露溥溥空歌奏徹琅風細一  
一飛鳴獻頂丹

贈周元初

席應珍

春晴步屨黃泥坂楊柳陰陰水拍城童子侯人如鶴瘦羽仙飛鳥

似是輕碧桃花繞  
樓雲屋綠酒香浮  
貯月罌醉裏却嫌  
天地窄倚  
關吹笛到天明

題章後畫碧桃

席應珍

憶昔瑤池侍宴時  
碧桃花下酒盈卮  
今朝醉裏看圖畫  
羞對東風

兩鬢絲

蘭亭舊刻

釋祖偁

昭陵璽紙已成塵  
棗本傳來轉失真  
小點大痴何足較  
從今著眼看時人







